



[Cyder 3 Download For 15](#)



মহব্বত আলীর ঘুম খুব সকালে ভেঙে গেল। সকালের ঘুমের আনন্দটাই অন্যরকম, তাই মহব্বত আলী ঘুমটা ফিরিয়ে আনার জন্য বিছানায় কিছুক্ষণ এপাশ-ওপাশ করলেন। কোনো লাভ হলো না, এমনিতেই মনটা বিক্ষিপ্ত, নানা রকম চিন্তা, কিছুক্ষণের মাঝেই বরং তিনি পুরোপুরি জেগে উঠলেন। পাশে তার স্ত্রী কোহিনূর বেগম গভীর ঘুমে অচেতন, সুরেলা বাঁশির মতো তার নাক ডাকছে। শুয়ে শুয়ে স্ত্রীর নাক ডাকা শোনার কোনো মানে হয় না, মহব্বত আলী তাই উঠে বসলেন। শরীর থেকে পাতলা কসলটা সরিয়ে তিনি বিছানা থেকে নামলেন। ঘরের ভেতর আবছা অন্ধকার, দু-দুটো এয়ারকুলার থেকে শৌ শৌ করে শীতল বাতাস বইছে। বাইরে আগস্ট মাসের ভ্যাপসা গরম অথচ বেডরুমের ভেতর একেবারে কার্তিক মাসের শীত শীত ভাব।

কোহিনূর বেগম ঘুমের মধ্যেই বিড়বিড় করে কিছু একটা বলে পাশ ফিরে গুলেন, সেদিকে তাকিয়ে থাকতে থাকতে মহব্বত আলী একটা লম্বা নিঃশ্বাস ফেলেন। সব মানুষকেই মনে হয় ঘুমের মাঝে অসুন্দর দেখায়, তার স্ত্রী এমন কিছু সুন্দরী মহিলা নন, বয়স হয়ে যাওয়ার পর মুটিয়ে গিয়ে চেহারায় এখন আর কোনো ছিরিছাঁদ নেই, ঘুমন্ত অবস্থায় কোহিনূর বেগমের সেই চেহারা দেখে মহব্বত আলী দীর্ঘশ্বাস ফেলতেই পারেন।

তবে স্ত্রীর চেহারা নিয়ে মহব্বত আলীর অভিযোগ করার কোনো সুযোগ নেই, কারণ তার স্ত্রীর চেহারায় ছিরিছাঁদ না থাকতে পারে কিন্তু তিনি নিজে রীতিমতো কদাকার। তার গায়ের রঙ কালো, পৃথিবীতে অনেক সুদর্শন কালো মানুষ আছে কিন্তু তার গায়ের রঙটি তাদের মতো নয়, তার এক

---

[Cyder 3 Download For 15](#)





---

[Pharma Guide Pakistan Cracked Feet](#)